

Enformaziuns y Comunicaziuns

Dis dles Crusc: Cöst'edema ánse i Dis dles Crusc, olache i sun düc enviêds da tó pert ales prozesciuns. **En vëndres ai 27 de má** él ales 18:30 la santa mësxa te dljia y dedô prozesciun con ciandëres y con les families, cina ete dal Ciüch. **La sabeda** junse spo en prozesciun ia La Pli. An pëia ia ales 7 da doman da dljia demez.

Iolan: Dër bel iolan a dotes les porsones co é gnüdes a daidé laé la dljia por la Pröma Santa Comegnun, a chi co á motü a desposiziun l'ega cialda y co á condüt val' dal danmisdé. Bel iolan y che Dio s'al paii.

Unité Pastoral: Ch'él pa co dëida pla preparaziun ai Sacramonc? Vigne sorvisc é prezios, al costa dediziun y tomp, mo al porta ligrëza y benedisciun. Por le sorvisc de preparaziun ai Sacramonc (Bato, Pröma Comegnun, Crejima) él la Unité Pastoral Val Badia co organisëia **da d'altonn na formaziun sceria**. Por infos y iscriziuns pón cherdé sö **Annamaria Fiung al 347 5277810** cina ala fin de jügn. I s'aspetun.

Ëi y jogn: Le Seminar da Porsenu con le regens signor Markus Moling enviëia jogn y ëi da passé en dé deboriada con en bel program. An s'encunta en **sabeda ai 28 de má**. Enformaziuns plü monüdes y prenotaziuns al 0472 271100.

KVV Senioreclub: En **dedemesaledema ai 25 de má** pëiun ia ales 9:17 con le Mareo Bus dan le Cone, por jí a Falzes. Enló jarán a pé cina Irenberg. Al é saorí da jí.

Scora de Musiga: La Scora de Musiga Val Badia enviëia al concert de conclujun te dljia y defora, en **lönesc ai 30 de má, tló Al Plan**. Ales 17:00 te dljia y ales 18:00 sön paiun. Al sará da aldí toc portês dant da scolars dla Scora de Musiga.

Comune: Al s'avijnëia por la jont tomp de lites. Ai 29 de má vëgnel tigní en referendum provincial, ai 12 de jügn en referendum statal. Le Comune lascia alessëi che **eniann sarál da jí a lité tla ciasa dla Scora de Musiga, tla str. Catarina Lanz 21**.

Seziun 1: Strades Antersí, Catarina Lanz, Fanes, Gran Pré, Les Corceles, Pelegrin, Plan de Coronas, Plazores, Senes y Tlosöra

Seziun 4: Strades Mantëna, Al Plan Dessora, Chës Costes, Chi Vai, Ciasé, Gran Pré, Paracia, Ras-Costa, Sarjëi, Val dai Tamersc, Valiars.

Apoteca: Al vën lascé alessëi che l'apoteca d'Al Plan sará **slüta dai 2 ai 12 de jügn**. Chi co adora ciamó patüc da cumpré ete, é enviêds da ponsé adora assá.

Ciamena dal quant: La Ciamena dal quant a Picolin é sën endô daverta, la **jöbia dales 14:00 ales 16:00**.



Plata dla Ploania Al Plan de Mareo San Vigile

Ploian: Signor Klaus Sottsas
E-Mail: ksottsas@rolmail.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann C

22.05.2022 - Sesta domëgna de Pasca
Edema dles Crusc

nr. 26

Osc cör ne dess nia se disturbé, s'la odëi

Dal Vagnele dô San Jan 14, 23-29

Te chël tomp á dit Gejú a sü discepu: ²³Sce önn m'ò bun, se tignará a mia parora; mio Pere ti orará bun y nos gnarun da d'ël y abitarun pa d'ël. ²⁴Chël co ne m'ò nia bun, ne se tin nia a mia parora. Y la parora che os aldis, ne vën nia da me, mo dal Pere, co m'á mené. ²⁵Chësc ves á dit, ciamó dertan ch'i sun pa os. ²⁶Le paraclet, le Spirit Sant, che le Pere menará te mio ennom, chël ves ensegnará döt y ves recordará döt cí ch'i ves á dit. ²⁷I ves lasci la pêsc, i ves dá mia pêsc; nia desche le monn la dà, s'la dá. Osc cör ne dess nia se disturbé y ne dess nia s'la odëi. ²⁸Os ëis aldí, ch'i ves á dit: I m'an va y i vëgni endô da os. Sc'i m'oresces bun, se ralegrasses, ch'i vá dal Pere; deache le Pere é plü gran co iu. ²⁹I s'al á dit belo sën, denanch'al sozedi, por ch'i roëise a creie, canch'al sozedará.



Parora dal Signur. Lalt a te, Gejú Crist!

I meditun le Vagnele



- Gejú s'an vá fisicamonter, mo al se lascia zoruch desco scincunda le sëgno de söa presënza: la pêsc, chëra dal Ressorí, y le Spirit Sant che i periarun le dé dla festa de Pasca de Má.

- Le cristian n'á nia tëma y ne se lascia nia disturbé, gnanca canche al vëiga che les cosses ne vá nia: Gejú é atló, al á davagné sön le mal, al é ël co arvënn la storia adencuntra a en travert de bën y iustizia. (*Parola Amica*)

I periun ensciö



Signur Gejú, prinz dla pêsc, tò rassügherëies tū amisc y con ëi ince düc nos: „I ne messëis nia se temëi, i ne desses nia avëi pôra, i sun con os y mia pêsc sará frëma te üsc cörs.“ Signur, recordesse cöstes parores, canche i odun scenes de vera y de violënza. Fá che i ne dubitunse nia de töa empormotüda, gnanca canche i messun ciaré pro desche le mal y le falz se sleria fora. Canche al sozed cöstes cosses crödies, sunse tontês da perde la speranza. Consolëiesse te chi momonc con to Spirit Sant. Y canche i sun nos chi co somëna zizania y porta discordia, chërdesse zoruch a te con to message de pêsc y d'amur.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.unitepastorala.org

Edema liturgica dai 22.05. ai 29.05.2022

DOM 22. N.B.:08:30	Sesta domègna de Pasca gran mëssa por dōta la comunité +nc' Lois y Lukas Maneschg +nt Franz Kanetscheider - +nt Matthias Resch +nc' Christian y Stefan Vollmann <i>s.m. Prōma Comeniun a La Pli</i>	<i>Rita da Cascia, Renata, Julia</i> <i>oferta por la ploania</i> LAD
Lön 23. 18:00	<i>Berto, Desider</i> s.m. dal ann por +nt Hubert Tamers +nc' Maria y Franz Tamers - +nc' Carlo Tamers y Maria Ties +nc' Franzl, Emilia y Waltraud Pizzinini +nt Tone Daverda – por families Erardi y Daverda	DEU
Ded 24. 19:30	<i>Ester, Dagmar I</i> De mondial d'oraziun por la dlijia tla Cina corona	
Dem 25.	<i>Beda, Gregor VII., Maria Magdalena da Pazzi</i> Vijita personala te dlijia y cortina	
Jōb 26.	<i>dles Crusc I Filip Neri, Maria Anna</i> Vijita personala te dlijia y cortina	
Ven 27. N.B.:18:30	<i>dles Crusc I Augustin da Canterbury, Bruno</i> s.m. y dedō prozesciun ete dal ciüch +nc' d'Andram y da Jung +nt Peterle Pedevilla - +nta Monica Erlacher +nc' Marta y Tone Erlacher de Corcela +nta Emma Frenner dal Cone	LAD
Sab 28. 7:00 11:00 17:30 18:00	<i>dles Crusc I German, Wilhelm</i> prozesciun a La Pli con s.m. ca. 9:00 s.m. da noza de Michael Mōlgg y Anna Näcker corona s.m. prefestia dal ann por +nc' Canzio y Marta Obojes de Gorge +nc' Mutschlechner Hans y Rosa dal Pech - +nc' Mayr Ludwig y Paula +nt Doro Castlunger - +nt Paul Pitscheider	ITA
DOM 29. 08:30 10:00	GRAN FESTA DL'ASCENSIUN DAL SIGNUR – PALSACRUSC De mondial dai mesi de comunicaziun soziai <i>s.m. a La Pli</i> gran mëssa por dōta la comunité <i>oferta por la ploania</i> +nta Monica Peslalz - +nc' Jule Ellecosta y Heinrich Castlunger vīs + +nc' dla familia de Carlo y Wally Frontull por familia Lore y Robert Kehrler, Longega	Paolo VI. LAD



"Al slomines sora de nos Signur, la lōm de to müs"

La comunité tol comié da **Angela Kaneider nasc. Erlacher**, gnüda a mancé con 76 agn. Ai familiars les condolianzes plü sontides. Che ara pälsi tla pêsc de Chël Bel Dio.

I ponsun do:

Al é na gran delujiun por en credont, ester te na comunité, co ciara ma al tomp passé, y ne chir degöna resposta ales domandes dles meseries d'aldedaincö o co vir ma esteriormonter y sonza entusiasms. Chël/chëra co mina da romagne chita tla fede, é daimpró ala perde. Gejú nes baia porchël de chël spirit, co nes armér y nes porta ennant.

I periun:

Signur, to Fi nes á empormetü l'aiüt de to Spirit. Entusiasmëiesse a na vita por te y por la noela de Gejú Crist, co vir y regnëia con te tal'eternité. (SB)


Oraziun dla sëra a Santa Maria (por mituns)

Ciampana sona sën l'aimaria; nos te saludun, Santa Maria.

Sën che al vën jö bel plan la sëra, ponsunse a te: t'es nosta stëra co nes lomina y mostra le tru co condüj al Ci, sö da Gejú.

Dässe ensnet en bun palsé y endoman en bun loé!

Amen.



- 1 gelb
- 2 orange
- 3 rot
- 4 rosa
- 5 violett
- 6 hellblau
- 7 dunkelblau
- 8 hellgrün
- 9 dunkelgrün
- 10 hellbraun
- 11 dunkelbraun
- 12 grau

Ingrid Neelen

Sorvisc dai Ministronc

Lönesc 23/05 (18:00h): Emma Mutschlechner, Alicia Angelica Weiss;

Vëndres 27/05 (07:30): Felix y Lena Feichter, Emma Mutschlechner, David y Romina Palfrader, Alicia Angelica Weiss;

Sabeda 28/05 (18:00h): Lea y Oliver Bonato, Jimmy Call, Maja Complojer, Amelie y Valentina Erlacher, Melanie Feichter, Elias y Silvia Obojes, Jonas Rindler;

Domègna 29/05 (10:00h): Michelle Agreiter, Sofia Castlunger, Diana, Madalena y Matthias Deval, Elena, Elisa y Emanuel Frenademetz, Giovanni Gnesotto, Anita Possamai, Anna Promberger, Angela Trebo

N.B.: Düc i ministronc é entres begnodüs da gní a sorví, ince sce ai n'é nia scric sö!

